



Confederación Intersindical Galega

REGISTRO DO CONSORCIO GALEGO DE SERVIZOS DE IGUALDAD E BENESTAR	
28 ABR. 2010	
NÚMERO	
ENTRADA	

Santiago de Compostela, 28 de abril de 2010

Sr. Xerente do Consorcio Galego de Servizos de Igualdade e Benestar:

Vén de cumprirse un ano que vostedes asumiron o goberno da Xunta de Galiza. Desde ese momento, foron constantes e permanentes os ataques e difamacións en contra dos traballadores e traballadoras do Consorcio. Todas as medidas que tomaron encamiñáronse a deteriorar e recortar os servizos, despedir traballadores/as, empeorar as condicións laborais e amosar unha disposición permanente de desprezo, desconsideración e falta de mínimo diálogo e negociación.

Todo isto tórnase moito máis grave non só porque se trata dunha administración pública, senón que para máis inri dependente da Consellería de Traballo que tería que ser a primeira en observar e cumplir a lexislación laboral no que respecta á negociación colectiva e aos dereitos dos traballadores. Como se pode explicar que vostede non respete o Convenio Colectivo negociado, anule as oposicións convocadas, despida a 61 traballadoras/es, desmantele as oficinas I+B, privatice centros de día e, agora, anuncie o desmantelamento do Consorcio, sen que os lexítimos representantes dos traballadores e traballadoras teñamos o mínimo coñecemento das intencións perversas que anunciaron?

Despois de numerosas solicitudes, mobilizacións e folgas das traballadoras e traballadores, convocadas desde a CIG, para conseguir aplicar o Convenio colectivo negociado, readmitir as traballadoras de I+B e continuar co proceso das negociacións, o día 13 de xaneiro tivemos a primeira e única reunión coa súa xerencia. Nesta reunión, fixouse o día 10 de febreiro como data da próxima. Vanse cumplir tres meses desa data prevista para que nos reunísemos co fin de aprobar o convenio, tal e como era o compromiso e, a día de hoxe, aínda non foi convocada.

As súas desconsideracións cos traballadores non ten límite, xa que en lugar de ter convocado a mesa de negociación o único que lle interesa é anular as oposicións, sementar dúbidas sobre o futuro do Consorcio, tratando o persoal como pura mercadoría e non como traballadores con dereitos.

Esixímoslle a convocatoria inmediata da Mesa de negociación para efectivizar a aplicación do Convenio negociado e coñecer o deseño que teñen para o Consorcio Galego de Servizos de Igualdade e Benestar.

Un cordial saúdo,

Anxo Louzao Rodríguez
Secretario Nacional da CIG-Ensino

Mª Carme López Santamaría
Secretaria Nacional da CIG-Administración

**SR. XERENTE DO CONSORCIO GALEGO DE SERVIZOS DE IGUALDADE E BENESTAR.
XUNTA DE GALIZA**